

Հավելված
Հաստատված է Հայաստանի Հանրապետության
հանրային ծառայությունները կարգավորող հանձնաժողովի
2018 թվականի -----ի N°Մ որոշմամբ

«Հավելված
Հաստատված է Հայաստանի Հանրապետության
հանրային ծառայությունները կարգավորող հանձնաժողովի
2008 թվականի փետրվարի 29-ի N°96Մ որոշմամբ

**«Էլեկտրաէներգետիկական համակարգի օպերատոր» փակ
բաժնետիրական ընկերության կողմից Երևան քաղաքում, Կոտայքի,
Արարատի մարզերում ռադիոռելեային կապի գծերի կազմակերպման
համար 65,1ՄՀգ, 69,4ՄՀգ, 152,250ՄՀգ, 166,650ՄՀգ ռադիոհաճախա-
կանությունների օգտագործման թույլտվության**

Պայմանները

**(Թույլտվություն N°0334, տրված Հայաստանի Հանրապետության
հանրային ծառայությունները կարգավորող հանձնաժողովի
2008 թվականի փետրվարի 29-ի N°96Մ որոշմամբ)**

1. Սահմանումներ

1. Սույն թույլտվությունում օգտագործված հիմնական հասկացություններն են՝
 - 1) Հանձնաժողով՝ Հայաստանի Հանրապետության հանրային ծառայությունները կարգավորող հանձնաժողով.
 - 2) Թույլտվություն ունեցող անձ կամ Կարգավորվող անձ՝ «Էլեկտրաէներգետիկական համակարգի օպերատոր» փակ բաժնետիրական ընկերություն.
 - 3) Թույլտվություն՝ Հանձնաժողովի կողմից Կարգավորվող անձին տրված սույն փաստաթուղթը, որը հավաստում է ռադիոհաճախականություններ օգտագործելու նրա իրավունքը և պարտականությունը.
 - 4) Ֆորս մաժոր՝ արտակարգ և անկանխելի դեպքեր և հանգամանքներ, որոնք ստեղծվել են Կարգավորվող անձի կամքից անկախ, ներառյալ (սակայն չսահմանափակվելով դրանցով) բնական աղետները, բնության ուժերի

արտասովոր ուժեղ դրսևորումները, ինչպես, օրինակ, ջրհեղեղները, երկրաշարժերը, փոթորիկները, պտտահողմերը, նաև սաբոտաժային գործողություններ, ահաբեկչություններ, պատերազմներ, ապստամբություններ, հասարակական անկարգություններ, գործադուլներ, որոնք խոչընդոտում են Կարգավորվող անձի գործունեությունը կամ հանգեցնում նրա ստանձնած ցանկացած պարտավորության կատարման ձգձգման կամ դադարեցման՝ հակառակ նրա կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:

2. Թույլտվության գործողության ժամկետը

2. Թույլտվությունն ուժի մեջ է մտնում 2008 թվականի մարտի 1-ից:
3. Թույլտվությունը գործում է մինչև 2020 թվականի մարտի 1-ը:

3. Ռադիոհաճախականության օգտագործման էությունը կազմող գործառույթները

4. Թույլտվությունն ուժի մեջ մտնելու պահից Կարգավորվող անձին իրավունք է տրվում և պարտավորեցվում է Երևան քաղաքում, Կոտայքի, Արարատի մարզերում ռադիոռելեային կապի գծերի շահագործմամբ օգտագործել 65,1ՄՀց, 69,4ՄՀց, 152,250ՄՀց, 166,650ՄՀց ռադիոհաճախականությունները՝ հետևյալ տեխնիկական ցուցանիշներով՝
 - 1) ռադիոռելեային կապի գծերի անվանումը, ռադիոռելեային կայանների տեղադրման վայրերը և աշխարհագրական կոորդինատները՝

h/h	Ռադիոռելեային կապի գծի անվանումը	Ռադիոռելեային կապի գծի կայանների տեղադրման վայրերը		Աշխարհագրական կոորդինատները	
		կայան 1	կայան 2	կայան 1	կայան 2
1	2	3	4	5	6
1	Հարավային էլեկտրացանց-Մասիսի էլեկտրացանց	ք.Երևան, Բագրատունյանց 54	Արարատի մարզ, ք.Մասիս	44E 29' 55'' 40N 08' 30''	44E 25' 00'' 40N 03' 00''

2	Կոտայքի մարզի «Արգել» ՀԷԿ-ի ամբարտակ- «Արգել» ՀԷԿ-ի վարչություն	Կոտայքի մարզի «Արգել» ՀԷԿ-ի ամբարտակ	Կոտայքի մարզի «Արգել» ՀԷԿ-ի վարչություն	44E 37' 00'' 40N 23' 00''	44E 36' 30'' 40N 23' 30''
---	---	--	--	------------------------------	------------------------------

- 2) ռադիոռելեային կապի գծերի օգտագործման նպատակը՝
ներարտադրական ռադիոկապի կազմակերպում.
- 3) ռադիոռելեային կայանների տեսակը՝ անալոգային.
- 4) հաղորդիչների հզորությունը՝ 10Վտ.
- 5) հատկացված ռադիոհաճախականությունները՝

h/ h	Ռադիոռելեային կապի գծի անվանումը	Ռադիոռելեային կապի գծի կայանների տեղադրման վայրերը		Հատկացված ռադիոհաճախականություն ները (ՄՀց)	
		կայան 1	կայան 2	կայան 1	կայան 2
1	2	3	4	5	6
1	Հարավային Էլեկտրացանց-Մասիսի Էլեկտրացանց	ք.Երևան, Բագրատունյան ց 54	Արարատի մարզ, ք.Մասիս	152,250	166,650
2	Կոտայքի մարզի «Արգել» ՀԷԿ-ի ամբարտակ- «Արգել» ՀԷԿ-ի վարչություն	Կոտայքի մարզի «Արգել» ՀԷԿ-ի ամբարտակ	Կոտայքի մարզի «Արգել» ՀԷԿ-ի վարչություն	65,1 երկրորդա- կան հիմունքով	69,4 երկրորդա- կան հիմունքով

- 6) ճառագայթման դասը՝ 100KF8E.
 - 7) անտենաների տեսակը՝ AHT.
 - 8) ուժեղացման գործակիցը՝ 9 դԲ.
 - 9) դիագրամի ուղղվածության լայնությունը՝ 60 աստիճան.
5. Կարգավորվող անձը պարտավոր է ռադիոհաճախականություններն օգտագործել այնպես, որ վնասակար ազդեցություն չունենա այլ անձանց ռադիոհաճախականության օրինական օգտագործման վրա:

4. Կարգավորվող անձի գործունեությունը

6. Կարգավորվող անձը պարտավոր է իր գործունեությունը իրականացնել «Էլեկտրոնային հաղորդակցության մասին» Հայաստանի Հանրապետության

օրենքի, Հանձնաժողովի ընդունած իրավական ակտերի, Թույլտվության պայմանների և այլ իրավական ակտերի համաձայն:

7. Թույլտվությունը չի կարող օգտագործման տրվել այլ անձանց, օտարվել կամ գրավադրվել՝ բացառությամբ օրենքով սահմանված դեպքերի:
8. Կարգավորվող անձը պարտավոր է իր նախաձեռնությամբ Թույլտվության պայմանների 4 կետում նշված որևէ տեխնիկական ցուցանիշի փոփոխության դեպքում՝ եռամսյա ժամկետում Հանձնաժողով ներկայացնել կապի գծով քաղաքաշինության փաստաթղթերի մշակման լիցենզիա ունեցող անձանց կողմից մշակված ռադիոռելեային կապի գծերի կազմակերպման տեխնիկական նախագիծը՝ երկու օրինակից:
9. Կարգավորվող անձը պարտավոր է ապահովել Թույլտվությամբ հատկացված ռադիոհաճախականությունների արդյունավետ օգտագործումը:
10. Կարգավորվող անձը պարտավոր է իր տնօրինության կամ տիրապետման տակ գտնվող սարքավորումների շահագործման, տեխնիկական սպասարկման և նորոգման ընթացքում ապահովել քաղաքացիների, սպասարկող անձնակազմի կյանքի և առողջության անվտանգությունը:
11. Կարգավորվող անձը պարտավոր է Հանձնաժողովի կողմից սահմանված կարգով և ժամկետներում վճարել ռադիոհաճախականությունների օգտագործման վճարները, եռամսյակը մեկ անգամ՝ մինչև յուրաքանչյուր եռամսյակին հաջորդող ամսվա 25-ը:
12. Կարգավորվող անձը պարտավոր է իր վերակազմակերպման կամ անվանափոխման, կամ գտնվելու վայրի փոփոխման դեպքում այդ փոփոխությունների իրավական ուժ ստանալու օրվանից սկսած 15-օրյա ժամկետում այդ մասին տեղեկացնել Հանձնաժողովին՝ կցելով նշված տեղեկությունները հավաստող համապատասխան փաստաթղթերը:
13. Կարգավորվող անձը՝ Հանձնաժողովի կողմից սահմանված կարգին և ձևերին համապատասխան, պարտավոր է իր գործունեության մասին տեղեկատվություն ներկայացնել Հանձնաժողով:

14. Կարգավորվող անձը պատասխանատվություն է կրում իր գործունեության մասին Հանձնաժողով ներկայացրած տեղեկատվության հավաստիության համար:
15. Կարգավորվող անձի՝ Հանձնաժողով ներկայացրած տեղեկատվությունը հրապարակային է, եթե այն Կարգավորվող անձի կողմից չի համարվում գաղտնի և նշված չէ որպես «գաղտնապահական տեղեկատվություն»: Կարգավորվող անձն իրավունք ունի ներկայացնել փաստարկներ և հիմնավորումներ՝ ապացուցելու համար, որ իր ներկայացրած տվյալների (ներառյալ՝ «գաղտնապահական տեղեկատվությունը») հրապարակումը կարող է վնասել իր գործունեության շահերին: Հանձնաժողովն իրավասու է ընդունել կամ մերժել նման տեղեկատվության չհրապարակման վերաբերյալ Կարգավորվող անձի խնդրանքը:
16. Կարգավորվող անձը պարտավոր է հնարավորինս սեղմ ժամկետում Հանձնաժողով հայտնել այն հանգամանքների մասին, որոնք հանգեցրել կամ կարող են հանգեցնել Թույլտվության պայմանների խախտման:

5. Գործունեության վերահսկում

17. Թույլտվության պայմանների պահպանման վերահսկումն իրականացնում է Հանձնաժողովը:
18. Թույլտվության պայմանների պահպանման վերահսկումն ապահովելու նպատակով Հանձնաժողովը կամ նրա լիազոր ներկայացուցիչներն իրավունք ունեն ազատ մուտք գործել Լիցենզավորված անձի տարածք: Վերահսկումն իրականացնելու ընթացքում Կարգավորվող անձը պարտավոր է լիովին համագործակցել և աջակցել Հանձնաժողովին կամ նրա լիազոր ներկայացուցիչներին:
19. Հանձնաժողովի լիազոր ներկայացուցիչները Կարգավորվող անձի տարածքում պահպանում են Կարգավորվող անձի ներքին կանոնակարգը, անվտանգության կանոնները, ինչպես նաև Հայաստանի Հանրապետության օրենսդրությամբ սահմանված նորմերը:

20. Հանձնաժողովն անհրաժեշտության դեպքում իր ներկայացուցիչների միջոցով, իր կողմից սահմանված կարգով և ժամկետներում, իրավունք ունի իրականացնելու Թույլտվության պայմանների պահպանման ուսումնասիրություն և Հանձնաժողով ներկայացված տեղեկատվության հավաստիության ստուգում:

6. Պատժամիջոցներ

21. Կարգավորվող անձի կողմից «Էլեկտրոնային հաղորդակցության մասին» Հայաստանի Հանրապետության օրենքի, Հանձնաժողովի ընդունած իրավական ակտերի պահանջները կամ Թույլտվության պայմանները չկատարելու, ոչ պատշաճ կատարելու կամ խախտելու դեպքում Հանձնաժողովն իրավասու է կիրառել հետևյալ պատժամիջոցները՝

- 1) տույժերի և տուգանքների կիրառում,
- 2) Թույլտվության փոփոխում,
- 3) Թույլտվության կասեցում,
- 4) Թույլտվության գործողության դադարեցում:

22. Կարգավորվող անձը Թույլտվության 21-րդ կետի համաձայն չի ենթարկվում պատասխանատվության, եթե նրա գործունեության մեջ արձանագրված խախտումները Ֆորս մաժորի հետևանք են:

7. Թույլտվության փոփոխություն, ժամկետի երկարաձգում, Թույլտվության կորստի դեպքում կրկնօրինակի տրամադրում

23. Ռադիոռելեային կապի գծերի շահագործման ընթացքում տեխնիկական ցուցանիշների ցանկացած փոփոխության դեպքում Կարգավորվող անձը անհապաղ դիմում է Հանձնաժողով՝ Թույլտվության մեջ փոփոխություններ կատարելու կամ նոր Թույլտվություն ստանալու հայտով:

24. Թույլտվության պայմաններում փոփոխություններ կարող են կատարվել Հանձնաժողովի կամ Կարգավորվող անձի նախաձեռնությամբ՝ Հանձնաժողովի կողմից սահմանված կարգով:

25. Թույլտվության կորստի (կորցնելու, ոչնչանալու և այլն) կամ գործողության ժամկետի երկարաձգման անհրաժեշտության դեպքում Կարգավորվող անձը

պարտավոր է հայտ ներկայացնել Հանձնաժողով՝ վերջինիս կողմից սահմանված կարգով:

8. Այլ պայմաններ

26. Թույլտվության գործողությունը կարող է դադարեցվել Կարգավորվող անձի նախաձեռնությամբ՝ նրա գրավոր դիմումի հիման վրա:

9. Ծանուցում

27. Թույլտվության վերաբերյալ պաշտոնական բոլոր ծանուցումները, հայտերը, պահանջները կամ այլ հաղորդագրությունները Կարգավորվող անձի կողմից պետք է ներկայացվեն գրավոր և ուղարկվեն սուրհանդակի միջոցով, պատվիրված նամակով կամ առձեռն հանձնվեն Հանձնաժողով:»: